

¡BOMBA!

El maya rompió el silencio,  
hoy el orgullo blasona;  
va Medalla Eligio Ancona  
por caminos de Fidencio



# K'intsil

Miércoles 18 de junio de 2025

CAMPECHE · YUCATÁN · QUINTANA ROO · AÑO 10 · NÚMERO 2501 · [www.lajornadamaya.mx](http://www.lajornadamaya.mx)

## Chíimpol'ta'ab Fidencio Briceño yéetel Medalla Eligio Ancona ikil u táakmuk'tik maaya t'aan



/ p 6

Oochel Gerardo Jaso

Yóok'olal xaak'al xook, péektsiltaj beyxan u kananil t'aa, miatsil yéetel maaya na'ate', jala'ach Joaquín Díaz Mena tu k'ubaj ti' Fidencio Briceño Chel u chíimpolalil Medalla Eligio Ancona, ku ts'a'abal tumen Universidad Autónoma de Yucatán (UADY) ti'al u chíimpol'ta'al kajnáalo'ob ku chíikpajalo'ob yóok'olal meyaj ku beetiko'ob ti'al miatsil, its'at, xaak'al yéetel sut taak'in.

Tu kúuchil Salón de la Historia de Palacio de Gobierno, jala'ache' tu jo'olbesaj súutuk tu'ux k'u'ub

chíimpolal, tu'ux ch'a'achib'ta'ab meyaj u beetmaj Briceño Chel beey jxak'al xook, lingüista yéetel juntúul máax péektsiltik u na'at maayaob, tumen jump'eel meyaj ts'o'ok u chíikpajal yéetel k'a'anan ti'al u tooch'ta'al u moots, u yich yéetel u yóol maaya kaaj.

Díaz Mena tu ya'alaje', ti' yóok'ol kaab tu'ux maas séeb u yila'al le ba'axo'ob séeba'an u yúuchulo', beyxan u k'a'abéetkuns'a'al tu séebanil le informacióno', tu'ux xan ku tu'ubs'a'al ba'ax k'a'anane', ku k'a'ajsa'al to'on u k'a'ananil kmoots yóok'olal

meyaj je'ex le ku beetik Briceño Chel, tumen mina'an utsil xiimbal wa mina'an miatsil yéetel k'ajla'ayil.

"Renacimiento Mayae' táan u kaxtik ka k'uchuk u jach utsil ja'abo'ob kuxtal maaya kaaj. Le beetike', k-k'aat ka yanak jump'eel lu'um ka tuukulnak, beyxan ka u k'a'ajs ba'al yéetel ka u tsikbálnak", tu ya'alaj Díaz Mena.

Tu ts'áaj u níib óolalil xjalá'ach Claudia Sheinbaum Pardo ikil u yáantik mantats' Yucatán, beyxan u meyaj.

Ka tu k'amaj chíimpolal Briceño Chele', tu ts'áaj u níib óolalil úuchik

u ts'a'abal ti', beyxan táakmuk'taj ku ts'a'abal ti' Renacimiento Maya, tumen lelo' jump'eel u páajtalil u mu'uk'ankúunsa'al miatsil, t'aan yéetel yucateca óol, ti'al ka yanak u túumben k'ajla'ayil maaya kaaj.

Jurado Calificador xak'alt Medalla Eligio Ancona 2024 tu chíimpol'taj Briceño Chel yóok'olal meyaj ku beetik ti' noj najilo'ob xook, beyxan tu lu'umil México, Estados Unidos yéetel Europa, tumen k'a'anan ti'al túumben lingüistas yéetel máaxo'ob péektsiltik maaya t'aan.